



### Dis d'aventura en il Parc Naziunal Svizzer

Il scolars d'Engiadina han mintg'onn la pussaivladad da visitar in di d'aventuras en il parc.

7



### Chanzuns dal mund a Sent

Il project cun instrumentalists, soloists e chantadurs cun il sustegn dals scolars ha tradiziun a Sent.

9

südostschweiz

# LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

## Premi per promover il ruver

■ (anr/hh) Il forester communal da Breil, Wendelin Hürlmann, ei vegnius honoraus il venderdis vargau a Lucerna persiu engaschament en favur dil ruver. El ha obteniu in dils treis premis dall'Uniuin «pro-Quercus». Dapi 35 onns s'engascha el en favur dil ruver egl uaul da Breil. Schegie che quella specia da plonta ei ina minoritad egl uaul ha Wendelin Hürl-

limann tonaton capiu da promover ella. L'Uniuin «pro-Quercus» ha la finimira da mantener e promover il ruver cun risguard dils aspects ecologics, economic e culturals. Quella specia da plonta ha pitiu en Svizra el 19avel tschentaner en connex cun l'industrialisaziun e la modernisaziun dall'agricultura.

> PAGINA 6

## Fin oz il pli grond success

DA GION NUTEGN STGIER / ANR

■ A Cuirra ha gi lieu il final chantunal da gruppas da las societads da tir. Cun la Societad da tir Duin aveva strusch in quintà en il final suenter ils resultats da las duas rundas da qualificaziun. Cuirra e Tumeigl èn las societads victuras sin la distanza da 300 meters e Cuvlignas e Cuirra quellas duas uniuns che han gudagnà la concorrenza sin la distanza curta. En il champ D cun l'arma da militar ha la Socie-

tad da tir Duin procurà cun il terz post per l'unic podest sursilvan. Per quella societad pitschna è quai fin oz segir il pli grond success en sia istorgia. La gruppa era sa qualificada per il final bunamain sco ina da las davosas uschia ch'il resultat en il final è ina vaira surpraisa. Sin la distanza da 300 meters èn 11 gruppas da la Surselva sa qualificadas per l'emprima runda svizra, tschintg en il champ A e sis en il champ D.

> PAGINA 2



Han gi grond plaschair da lur terz post en il final chantunal da gruppas: Ils tiradurs e la tiradura da Duin Peter Camenisch, Remo Capeder, Gion Paul Camenisch, Laura Capeder e Mathias Capeder (da san.). FOTO G. N. STGIER

## Giubileum da la Scoula d'Avrona

■ (anr/bs) La Scoula Rudolf Steiner ad Avrona cumplischa quist on seis 60avel anniversari ed es per la regiun üna sporta fich importanta. A chaschun dal giubileum vegnan organisats referats, concerts ed otras occurrenzas in divers lös in Engiadina Basa. La fin da l'eivna ha lura gniü lö ad Avrona la festa officiala cun ün program fich varià. Ils responsa-

bels da la scoula han festagià cun scolars, collavuratuors, amis ed interessats ün pèr uras da cumpania. Cumanzà ha la festa il venderdi cun ün concert da Bibi Vaplan ed in sonda divers gös e concerts cun Zapzarap e cun Snook. La festa vaiva il titel «60 ons daplü co be scoula».

> PAGINA 7

## Las musicas sursilvanas a Sursaissa

La 20avla fiasta districtuala ei stada in success cumplein

DAD AUGUSTIN BEELI / ANR

■ La 19avla fiasta ha giu liug avon tschun onns a Trun. Buca lunsch naven da leu ha in comite priu a mauns d'organisar la 20avla fiasta giubilara. La Societad da musica da Sursaissa ha envidau las musicas sursilvanas alla fiasta districtuala. Ina fuola da glied ei separticipada ed ha gadiu produziuns da qualitat. L'Uniuin cantunala da musica dil Grischun consista da 95 societads ed uniuns da musica cun 2850 activs. Da quellas ein 14 separticipadas alla 20avla fiasta districtuala sursilvana. Il comite d'organisaziun haveva era envidau musicas d'ordeifer da vegnir en Surselva. Treis uniuns, la Concordia da Vétroz ella Part sut dil Valleis, la Harmonie Küsnacht sper Turitg e la Societad da musica Vaz sut, ein stadas presentas ed ein semessas ella concorrenza. Culs rodud 600 musicantas e musicants ein da quei da 1000 visitaders e «fans» dalla musica instrumentala da brass serendi a Sursaissa. Els han astgau tedlar



Il plaid «musica» ei staus el center a Sursaissa. La 20avla Fiasta da musica sursilvana ha giu liug per l'emprima gada silla terrassa dils Guaisers. FOTO K. SCHNIDER

produziuns ch'ils experts han taxau sco multifaras e beinpreparadas. Plascher ha era sogn Pie-der giu, pertgei igl ei stau schetg

igl entir gi. In factur che sa alzar supplementar la tempra da fiasta. L'Uniuin da musica da Sagnogn ha dominau ton la concur-

renza dil toc concertont sco era quella da marschar.

> PAGINA 4/5

## Donat Nay per Rino Darms

DA HANS HUONDER / ANR

■ Las elecziuns ein stadas el center dalla radunonza dalla Surselva Romontscha il venderdis sera. La suprastanza ha denton era rapportau da sias activitats. Rino Darms ei buca vegnius nominaus per ina secunda perioda d'uffeci sco commember dalla suprastanza dalla Lia Rumantscha. Cun clar pli ein las commembras ed ils commembers sedecidi per Donat Nay. El vegn proponius dalla Surselva Romontscha per las elecziuns igl atun vegnent. La suprastanza ei

activa il mument sin differents secturs naven dalla politica entochen la litteratura e la cultura. Denter auter vul ella edir igl onn vegnent in ulteriur «Tschespet». Il davos ei cumpariu avon sis onns. En elavuraziun ei il mument era la restampa da pliras publicaziuns. In tema resta il Plan d'instrucziun 21. Commember dalla suprastanza dalla Lia Rumantscha. Cun clar pli ein las commembras ed ils commembers sedecidi per Donat Nay. El vegn proponius dalla Surselva Romontscha per las elecziuns igl atun vegnent. La suprastanza ei

> PAGINA 3

## «Tagl per ina nova entschatta»

DA HANS HUONDER / ANR

■ Las discussiuns davart il turissem sisum la Surselva prendan negina fin. Ussa ha Tujetsch sistiu la collaboraziun. «Nus essan buca cuntents cun quei che succeda enteifer Sedrun Mustér Turissem. En emprima lingia maunca ina clara strategia», di il president communal da Tujetsch, Beat Röschlin. Entras siu geru Christian Albin hagi la suprastanza communal fatg pretensiuns, quellas hagian denton cattu negina ureglia. Surtaus dalla decisiun ei il president

dall'organisaziun da turissem, Curdin Brugger. «Da principi sa-vein nus il mument buca co ei duei ir vinavon. En emprima lingia ha ei ussa num da porscher ina buna stagiun da stad.» Il president communal da Mustér, Francessg Cajacob, vul analizar la situaziun che sepresenta ussa communablamein cun ils purtaders dil turissem el liug. En ina seduta dallas suprastanzas communalas da Tujetsch e Mustér duei la situaziun vegnir dilucidada.

> PAGINA 3



Cun differents mieds – denter auter buttons – fa la Surselva Romontscha propaganda per il romontsch. FOTO H. HUONDER



Tenor il president da Tujetsch, Beat Röschlin, mauncan tier Sedrun Mustér Turissem ina strategia ed ina definiziun dils products. FOTO H. HUONDER



10023



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch